

書名 空同先生集六十三卷 嘉靖九年序刊本  
 撰者 明 李夢陽 撰  
 卷 卷三十一  
 內容分類 集-別集-明中葉  
 索書號 倉石:40084  
 編號 4008000

# 卷三十一



空同先生集卷第一

賦一十首

疑賦

思賦

省愆賦

緒寓賦

侯軒子賦

十首

賦

乾  
坤  
高卑易矣  
星辰在  
下江河  
逆矣天  
喬喬天

北郡李夢陽撰

鈍賦

述征賦

宣歸賦

寄兒賦

竹石賦



[彩色首頁1](#)

[東洋文化研究所漢籍目錄 編號: 4008000](#)


[東洋文化研究所漢籍目錄所藏漢籍善本全文影像資料庫 索書號: 倉石:40084](#)

[漢籍善本全文影像資料庫文本空同先生集六十三卷 嘉靖九年序刊本](#)

版權所有: 東京大學 東洋文化研究所

[使用上的注意事項](#)

李空同全集  
九





聖同先生集卷第三十一

北郡李無陽撰

詩 七言律詩七十首

贈荅

郊齋逢人日有懷邊何二子

夏日過序公

過馬陟次毛庶子韻

章氏芳園餞朱應登

訪何職方孟春新居

送殷進士病免歸

別徐子禎卿得江字

追舊寄徐子

過李氏荷亭會何子

酬儲太僕見贈

荅太僕儲公見贈

病間聞何舍人夢故山有感

69889

雨中憶張大夫園亭 解官親友携酒來看

送王照磨省覲 寄徐子

寄徐編修縉 九日寄何舍人景明

冬霽宴丘翁林亭 立春遇雪柬孫君首

送張訓導棄官為母 早春酬內弟璣

畢春郊園贈別 生日答李濂秀才

過內弟宅感詠 積雨鄭左二子晚宴

送玉生還里 逢泰公門徒因寄

寄華韶州 贈鄭庚

北行家兄與內弟玉實間行遠緩急即如雷

霆之下魂魄並褫矧又如饑渴

寄荅內弟璣九日繁臺見憶

喬太卿字宅夜別 別都主事穆奔喪歸

夜別王檢討九思 宿江氏

穀日酬鄭屠二省使携酒見訪

滕閣訪屠子感贈 雨秋友人見過有贈

較射畢月雲峰示諸生 發南浦贈人

江上逢羅通政 清江彭君幽居

題嚴編修東堂新成

泰和南行羅通政舟送 寄孟洋謫桂林教授

南康至日送韓訓導赴湖州推官

仰頭遇友夜泊感贈 龍沙餞胡子還城

別太華君

贈何君遷太僕少卿

夏日赴監察許君之宴同張監察

東趙訓導二首趙安邊營將家子讀易人也

酬和許監察九日對菊之作

酬和李子夏日遊天王寺見贈

喜鄭生至自京師傳崔陸徐何諸人消息

繁臺冬日喜鄭生歸集

正月二日臺卿李公監察毛公袁公枉駕而

顧毛歸有作輒次其韻二首

和毛監察秋登明遠樓之作

雪後困酒和王左史 東邊子變前韻

仲春繁臺飲餞醉歸口占呈陳邊二使君

春日過遂平將軍第同李尹

限韻贈黃子

贈王推官相國之子

高門堤陳氏別業夏集

贈答

郊齋逢人日有懷邊何二子

今日今年風日動苑邊新柳弱垂垂齋居寂寞難乘  
興獨立蒼茫有所思谷暖遷鶯畚太早雲長旅雁故  
多遲鳳池仙客容臺彥兩處傷春爾爲誰

夏日過序公

炎天樓殿蔭空扉永晝雲林孤鳥飛病起出門風色

西昌集卷三十一  
三十一言  
異獨來清坐老僧依撲簾花片疑紅雪解帶藤蘿映  
紫衣萬事回頭誰得問但逢心賞莫教違

過馬陟次毛庶子韻

冉冉輕雷止復行鳳池清夏半陰晴漸看西日籠花  
氣誰放南風作雨聲融入塹沙將拂燕密侵宮柳益  
霑鶯晚來一赴薇郎約匹馬衝泥遠興生

章氏芳園餞朱應登

細雨林塘花可憐况有美酒斗十千見日玄蟬元嘒  
嘒含風綠篠自娟娟朝廷豈料更新主塵世難逢感  
昔年縱倒芳尊不成醉別懷憂緒兩凄然

訪何職方孟春新居二首

去年聞汝在郴州對酒時常使我憂無客解題鸚鵡  
賦同誰出入鳳凰樓瀟湘夢澤金虛遠易水燕山不  
斷遊舊雨休嗟車馬伴中隣先近李膺舟

二

街北小堂卜築深離離竹檻稱幽吟不爭鵝鴨嫌隣  
舍旋置琴尊見客心呼雨乳鳩仍暫止定巢新燕故  
相尋曾軒更許消清暑露頂同依嘉樹林

送殷進士病免歸

魯川西流石齒齒川上茅堂千樹林春行不費風雲  
詠日暮聊爲梁父吟南瞻岱嶽雲峰峻東訪滄溟烟  
霧深司馬豈緣封禪病任公終有羨鰲心

別徐子禎卿得江字

我愛南州徐孺子，明瑤美壁世無雙。  
新從北極看南極，便自吳江下楚江。  
日落鷓鴣啼廟口，水清斑竹映船牕。  
禰衡王粲俱黃土，千載何人復此邦。

追舊寄徐子

憶昔逢君雪滿途，遙憐爲客向江湖。  
看碑定憶羊開府，作賦先投楚大夫。  
日黑魚龍逐夢澤，草青麋鹿上姑蘇。  
空揮玉軫思流水，不得驂騑見過都。

過李氏荷亭會何子

三伏尋花到羽池，幽懷真與故人期。  
出波菡萏晴相並，度檻流螢晚故遲。  
他日宴游能此地，向來開落果

由誰亦知塵世難逢醉，且把芳筒當酒卮。

酬儲太僕見贈

抱病逢春無那春，雪晴雲氣相鮮新。  
經旬不出惱官長，束帶何由朝大賓。  
豈謂烟霄無勁翮，欲從江海訪遺珍。  
商歌日暮悲風起，索處應慙扣角人。

答太僕儲公見贈

淮海先生海鶴姿，年來何事髮成絲。  
安危異日須公等，文雅于今是我師。  
縱有孫陽難遇馬，誰言安石但能基。  
桂枝偃蹇空山裏，旅病逢春故國思。

病間聞何舍人夢故山有感

我逢新歲兼新病，君夢故園登故山。  
木杪啼猿行問



訊枕邊流水莫潺潺深春古廟同誰往絕壁孤雲只  
自攀悵恨無家傍林谷定應何處卜鄉關

雨中憶張大夫園亭

我愛張家好亭子滿園林竹夏淒淒露花細雨飄  
裏映日輕雷過檻西已拚習池多樂事况逢光祿有  
新題朝回會與金蘭約走馬携壺到碧蹊

解官親友携酒來看

嚴城擊鼓天欲曙風起平林纖月長故人開尊且復  
飲客子狂歌殊未央卧病一春違報主啼鶯下里  
伴還鄉他時若訪漁樵地洛水秦山各淼茫

送王照磨省覲

浮沙晶晶楚王臺苦竹泠泠帝子哀臘月江行鶯語  
合早春湘北杏花開貪趨綵服聊輕舫苦憶金門罷  
舉杯入幕却超難許並題橋司馬直須迴

寄徐子

徐子南游涉洞庭楚江風浪眼冥冥竭來振玉朝  
天子忽漫傳書與安星訪戴難移剡溪棹聞可曾過  
子雲亭烟沙水國催春發楊柳愁邊却盡青

寄徐編修縉

題詩傳語玉堂賓想像鳴鞭散紫宸玩弄門前金騾  
裏宛如天上石麒麟徒誇中論流人世實有新詩泣  
鬼神密勿願先諧大軸漁樵久已屬閑身

九日寄何舍人景明

景明一作仲默

九日無朋花自開登樓獨酌當登臺孤城落木天邊  
下萬里浮雲江上來但遣清尊常不負從教白髮暗  
相催梁南楚北無消息塞鴈風高首重回

冬霽宴丘翁林亭

竹亭高宴雪霜殘柏塢移尊月色寬馴鶴自知迎客  
舞絕琴今擬向君彈醉來箕踞仍呼酒老去留賓不  
着冠解道冥鴻能萬里肯輸烏鵲一枝安

立春遇雪柬孫君二首

乾坤莽莽俱爲客世路悠悠各愴神海內弟兄稀見  
面天涯霜雪又逢春馴階鳥啄猶呼侶破浪龍吟不

避人幾欲開尊向梅柳白眉青眼爲誰顰

二

留滯周南春復春路迷何處問三秦竟非吾土堪垂  
淚不爲儒冠豈誤身偷臘檻梅暄媚眼弄寒山篠晚  
傷神虛傳夜雪能乘興不見山陰鼓柁人

送張訓導棄官爲母

蜀道干戈暮角悲水行溪壑轉春姿辭劉徐庶心先  
苦迴馭王陽願不遲正月巴山猶碧樹孤舟峽口已  
黃鸝并吞割據千年事愁見岷峨有戰旗

早春酬內弟璣

騎馬衝泥到竹扉孤城雪日弄暉暉將飛鴻鴈春相

聚得食魚鮓暖自肥賈誼上書番遠謫桓榮嵇古已  
多違亦知匡濟諸君事勿羨東臯早拂衣

早春郊園贈別

野陰蒼蒼春不分春堂黯黯惜離羣柳條欲折不應  
手林花即開誰寄君鴈飛帆檣畏觸雪日蒸山澤恣  
成雲杳然携別東園晚綺席玉杯相對暝

生日答李濂秀才

臘前此日梅花劇益送初筵竹葉新千里共爲青眼  
客百年余是白頭人清霜麗葉情休妬醉舞狂歌意  
總真忽憶退朝傳粥食遲迴吟望一沾巾

過內弟宅感詠

天漢橋東水竹居明公卜築迥幽虛軍城日月梁園  
永戚里山河宋殿餘諸弟冬林供雪筍重闈日饌躍  
江魚冰清牢落千秋事手澤空嗟萬卷書

積雨鄭左二子晚宴

秋深衆草皆垂實雨久高牆半濕痕百歲榮枯同逆  
旅二儀風霧自黃昏烏鴉樹滑時窺屋泥濘人稀早  
閉門便合披簑邀鄭左任從燒燭倒清尊

送王生還里

華池避俗屯螢火往日談經近鹿場萬里漂零余作  
客諸生親炙爾升堂昨來見面生春色歲暮還家帶  
雪霜懷土力微難並進強吟臨路獨淒涼

逢泰公門徒因寄

垂翅昨年辭 帝都散花今日見門徒  
乘杯老去還 能否擊鉢狂來未信無  
暫止乳鶯元逐燕得時橫隼 莫驚烏  
清沙密竹追隨地腸斷飛虹月色孤

米一作夫

寄華韶州

十年不寄一封書 索處常思萬里餘  
謫宦賈生元獨遠 抗言劉向果誰如  
新符海外勞分虎 舊德朝中想佩魚  
退食昔移青鎖步 論文偏過省郎廬

贈鄭庚

文物江東數歛都 里傳貞白似君無  
門前不種鉤衣草 堂上常巢返哺烏  
爲客老年今道路 告歸春日復

江湖沙溪酒熟兒孫勸 拄杖徐行步綠蒲

北行家兄與內弟 玉實間行道緩急即如雷

霆之下魂魄並褫矧 又如饑渴

吾兄淚眼若懸河 內弟虺羸苦更多  
昏黑同行草莽裏 明星獨傍邑城過  
荒山葛藟縈初蔓 空屋荆花滿故柯  
臨路斷腸俱哽咽 望歸携手向烟蘿

寄荅內弟璣九日繁臺見憶

悵別登臺逢九日 雲閑水落望長安  
風急愁聞木葉下 秋清淚滿菊花團  
臨危始識交親重 處世空嗟行路難  
一勺塗鱗終放擲 九天歸翼待扶搏

喬太卿宇宅夜別

竹梧池館夜偏寒，促席行杯漏未闌。  
燕地雪霜連海嶠，漢家鐘鼓動長安。  
吟猿見月移孤樹，宿鴈驚人起別灘。  
二十逢君同躍馬，十年回首笑彈冠。

別都主事穆奔喪歸

瑤池不聽鳳凰簫，銀漢愁看烏鵲橋。  
海內君親情併苦，天涯書劍路俱遙。  
陰陰朔塞鳴秋葉，滾滾寒江急暮潮。  
若去會應朝北斗，余歸終擬伴漁樵。

夜別王檢討九思

露白秋城角夜哀，朔雲邊月滿燕臺。  
仙人閣在銀河上，羸女簫從碧落來。  
江葉自隨山葉舞，燭花偏傍菊花開。  
風塵荏苒年華異，莫怪臨岐數酒杯。

宿江氏

尋山累日山中宿，玉港回鑪見爾家。  
世遠樓臺喬木裏，族繁門巷一溪斜。  
深冬野竹猶風葉，細雨簷梅已凍花。  
惆悵哲人今異代，玉峯回首碧參差。

穀日酬鄭屠二省使携酒見訪

殊方穀日軒齊過，返照虛牕暖自通。  
短髮江湖今會少，早春閭闔舊趨同。  
越南閩北風烟際，岼柳園梅霽雪中。  
時世艱難須共濟，此生杯酒任西東。

滕閣訪屠子感贈

章門屢出綠尋子，滕閣留懽晚不回。  
霜落磧洲江漸細，日斜鄉國鴈還來。  
紅巾未信干戈息，白髮能禁日

月催千古棟雲簾亦捲西山秋色爲誰開

雨秋友人見過有贈

時芳已後重陽雨搖落深驚昨夜風鴉雀小亭雲竹  
靜蒹葭寒水灑江東詩名海內逢高適人物吳中有  
阿蒙數過淹留非縱酒異鄉搔首各飛蓬

較射畢青雲峰示諸生

射畢孤峰聊獨上繞峰冬樹發孤雲天開遠岫遲遲  
見木落寒江細細分禮樂衣冠先此地綱常簪組愧  
斯文亨衢接武尋常事孝子忠臣百世芬

發南浦贈人

大寒冰雨何紛紛曉行日臨江吐雲得風艤舟故相

逐異港鳧鷖還自君南浦南蓼洲春欲動岍西雪山晴  
未分與君接席向杳靄吟坐傳杯侵暮曛

江上逢羅通政

秋葉綵鷁修春服曉解牙章拜五雲三十超遷門下  
省遲迴瞻戀聖明君烈風江上年垂暮把酒旗亭袂  
忍分書錦故山家慶集堂開鶴髮野梅芬

清江彭君幽居

新霽隔城江色來僻居春暮徑花開當門銀杏有千  
歲穿葉黃鸝能百迴南傲雲沙曾杖鉞北山薇蕨且  
銜杯波深五月鮒魚至獨釣吟行鷗不猜

題嚴編修東堂新成

城居市遠同村僻堂構春成屬燕忙星檻夜凭斜北  
斗日惣朝坐影扶桑問奇頗類楊雄宅醒酒真輕李  
相庄喜即繫舟臨秀浦恨猶楮笏背鈴岡

泰和南行羅通政舟送

開船日午君俄至逆水開尊得並船貪數斝花杯不  
記已衝江雨纜猶牽雲山楚越相逢地劔珮京華始  
識年感昔願仍還省閣顧今俱已靜風烟

寄孟洋謫桂林教授

孟洋一作孟衡史

長沙賈誼君仍遠南涉三湘復九疑虎豹深山聊澤  
霧蛟龍得雨固須時行藏學閣蒼梧夕鼓角夷城自  
髮悲悵望適荆心豈忝飄零極海翅非垂

南康至日送韓訓導赴湖州推官

黯黯寒冬湖水頭遷官別我向湖州吾道百年逢小  
至雪江千里屬安流飛騰刑獄官非忝簡拔朝廷意  
實優見說東南力已竭哀矜此外爾何求

仰頭遇友夜泊感贈

舟夜雙燈倚碧灘江雲藹藹覆春湍中年獨覺滄洲  
穩直道誰非行路難坐裏旌旗環匯澤花時金鼓發  
長安時危故國思芳草懶慢先君得挂冠

龍沙餞胡子還城

春卿送弟返扁舟子孟還城設餞遊樹蔭金沙開錦  
席花迎楚鳥勸吟甌平風岼壓鼉鼉窟倒日江明鶴

雀樓古木徐亭偏寂寞醉希凝望水東流

吳育字春卿胡健字

子孟俱宋顯人也

### 別太華君

自我徘徊襄漢間秋風倏忽吹襄山  
鷓鴣竟日亂洲渚鴻鴈孤鳴愁草菅  
秦路傷心紫芝圻楚巖回首桂花斑  
層城月出歌鐘滿誰念楊雄獨閉關

### 贈何君遷太僕少卿

省客新乘卿士車尋盟特別水雲居  
還朝賈誼元前席去國虞生合著書  
貪顧休輕冀野馬祖行親釣汴河魚  
虛疑厄閏春情晚驛路羣花宛宛舒  
是年遇閏黃揚厄閏年之句

### 夏日赴監察許君之宴同張監察

霜府池亭夏亦寒捲簾河嶽火雲殘  
筵開水動琅玕簞酒半瓜行白玉般  
鷺石尋花時徑往躍魚投餌晚留懽  
孰教逃暑陪驄馬自分清朝老釣竿

### 柬趙訓導二首趙安邊管將家子讀易人也

安邊坐堡近沙場白日胡沙慘慘黃  
穀弩汝兄增品秩操觚吾子獨文章  
雙龍一命新朝闕三鱣諸生已報堂  
授易未容輕管輅探著端合契羲皇

二

田園共傍古蕭關舞鳳城臨斬斷山  
連茹實期王貢上轉蓬俄聚洛河間  
風塵落葉頻驚眼首肯深杯且



破顏宋岳魏臺俱不沒及秋騎馬肯同攀

酬和許監察九日對菊之作

風簷落葉隨行步坐近寒花引濁醪久客重陽還細  
雨故山他日幾登高羈心汗館頻牽蒞醉眼江門舊  
送濤願戢霜威長晚色騰抽英響續遺騷

酬和李子夏口遊天王寺見贈

玉皇諸閣鎖空寥夙昔攀緣客互招細細嵩雲通佛  
拱冥冥河氣度僧寮柏潭路古搖晴荔竹洞城陰掩  
熱椒聞爾昨遊吾自阻碧紗誰並照烟霄

喜鄭生至自京師傅崔陸徐何諸人消息

汝從京國傳消息屈指離吾幾換年當日應劉俱老

健翅來燕趙自風烟陽回草木清霜後歲暮賓朋醉  
眼前別業舊臺携手在野鴻沙鳥日翩翩

繁臺冬日喜鄭生歸集

予從汝去稀過此即使經過亦惘然乍聚酒杯須落  
日久晴臘月有和烟向陽小草纖纖出傍水浮雲宛  
宛連野立舉天昏色起好橫酣眼望三川

正月二日臺卿李公監察毛公袁公枉駕而

顧毛歸有作輒次其韻二首

君子三陽元並進朝廷四海况爲家冠彈貢氏非吾  
願星聚荀門敢自誇走洗玉盤深映竹驕嘶驄馬半  
街花綠尊未倒歸須夜臺柏無言已宿鴉

二  
吾生五九笑吾涯短圃低墻即是家酒熟喜當賓客  
過詩成慚使世人誇日臨河岳雲俱色春入樓臺樹  
自花轉盼不堪天地異得栖無小後啼鴉

和毛監察秋登明遠樓之作

院鎖簾垂白日幽爲誰乘興獨登樓地平嵩嶽窓中  
出天倒黃河檻外流坐對鑪烟雲並起醉搥霜筆樹  
還秋可憐大厦須梁棟未展那知匠氏憂

雪後困酒和王左史

旭日上雪簷溜懸廣文先生猶醉眠牀頭綠樽已交  
卧解醒復倒囊中錢開門泥濘午活活有客騎馬來

翩翩強起梳頭煨芋栗暖杯寒光仍四筵

東邊子變前韻

繁丘草青春可憐欲往恰值春風顛應門童子不通  
客空同先生閑自眠柳長故孀金色縷梅落盡鋪白  
玉錢安得即遊共爾閣滿引香醪花簇筵

仲春繁臺飲餞醉歸口占呈陳邊二使君

晝日起風花欲開過鴻未盡巢燕來看山已巖陽翟  
駕羣餞復聚梁王臺苦云離合每不易便醉顛倒何  
嫌猜背閣碧斟故裊裊當年哢鳥時徘徊不見當年  
艮岳盛今日囁囁青草堆

春日過遂平將軍第同李尹

十年不到將軍第一日重來令尹偕春色不改延容  
閣芳樹盡覆彈琴齋尋香檻蝶娟娟逐競暖池魚宛  
宛皆晚步鹿芴驚欲放續遊無吝玉爲牌

限韻贈黃子

禁垣春日紫烟重子昔爲雲我作龍有酒每要東省  
月退朝曾對掖門松十年放逐同梁苑中夜悲歌泣  
孝宗老體幸強黃犢健柳吟花醉莫辭從

贈王推官相國之子

青年籍甚王推府得郡吞江復據湖楚楚驂騶當道  
路英英秋月坐冰壺三槐舊業承非忝駟馬高門望  
與俱相國醴筵今更數在邦無憶鯉庭趨

高門堤陳氏別業夏集

門堤平野突崔嵬幔屋深林石磴迴盛世行藏吾學  
圃異鄉天地此登臺馮軒五月涼風入移席孤城返  
照來急管暮催杯更進醉翁非爲酒徘徊

空同先生集卷第三十一

要一作  
逸